

það til skipulagsskrár fyrir styrktarsjóð handa þeim, er biðja tjón af jarðeldi á Íslandi, er hingað var sent með þóknanlegu bræfi yðar, herra landshöfðingi, frá 4. marz þ. á. áleit ráðgjafinn það rjettast, að gefa nefnd þeirri, sem hjer hafði myndazt til að safna gjöfum handa þeim Íslendingum, sem tjón höfðu beðið af eldsuppkomunum 1875, tækifæri til að láta í ljósi álit sitt um frumvarpið, og hefir nefndin í svari sínu hjer aðlútandi stungið upp á því að teknar sjeu í skipulagsskrána viðaukaákvörðanir þær, að í 1. gr. sje bætt við ákvörðun um, að ríkiskuldabréfum þeim, er þar eru nefnd, sje varið í innritunarskírteini, sem hljóði upp á nafn sjóðsins, að í niðurlagi 1. atriðis 2. greinar sje gjörð ákvörðun um, að ekki megi haggja við grundvallarinnstæðunni, nema til þess sje útvegað samþykki ráðgjafans fyrir Ísland, og að í niðurlaginu á öðru atriði hinnar sömu greinar sje bætt við, að svo framarlega sem hlutaðeigandi gefandi ekki hefir gjört neina ákvörðun um, hvernig verja skuli einhverri fjárupphæð, sem sjóðnum hefir gefizt, skal bera það mál undir úrskurð ráðgjafans fyrir Ísland.

Með því að ráðgjafinn varð að álíta, að breytingar þær, sem þannig var stungið upp á, ættu vel við, og hafði að öðru leyti ekki fundið neitt út á ákvörðanir þær að setja, sem skipulagsskráin inniheldur, lagði ráðgjafinn það allraþegnsamlegast til við hans hátign konunginn, að skipulagsskráin með viðaukaákvörðunum þeim, er nefndin hafði gjört, mætti öðlast allrahæztu staðfestingu, og var sú tillaga allramildilegast samþykkt 31. júlí síðastliðinn.

Um leið og þetta er tjáð til þóknanlegrar leiðbeiningar og birtingar þeirrar, er þörf er á, í stjórnartíðindunum, er ekki látið dragast að senda yður, herra landshöfðingi, skipulagsskrá þá, er þannig er staðfest. Þar að auki er sendur reikningur fyrir þeim konunglegum skuldabréfum er 25. og 31. maí f. á. hafa verið afhent ráðgjafanum af gjaldkera áminnztrar nefndar að upphæð samtals 16500 kr. og fylgir reikningi þessum innritunarskírteini Litra G. fol. 626 að upphæð 16500 kr., konunglegt skuldabréf Litra L. no. 15496 að upphæð 1000 kr., og upphæð, er eptir hefir orðið í peningum 99 kr. 35 a.

Búið er við þóknanlegri viðurkenningu fyrir, að innritunarskírteinið, skuldabréfið og áminnztir peningar sjeu meðteknir.

— *Bræf landshöfðingja til stiptsyfirvaldanna um styrk til að gefa út 162*
danska lestrarbók. — Samkvæmt tillögum stiptsyfirvaldanna í bræfi frá 3. p. 11. okt.
m. veitist hjer með Kristjáni bókbindara Þorgrímssyni af fje því, sem með 15. gr. fjárlaganna um árin 1878—79 er ákveðið til vísindalegra fyrirtækja, 300 kr. styrkur til þess að gefa út danska lestrarbók með málmyndalýsingu og orðasafni, þannig að adjunkt Steingrímur Thorsteinsson semji þessa bók, að hún verði ekki minni en 16 arkir í venjulegu 8 blaða broti og að hún verði í kápu seld ekki dýrari en svo sem svari 12 a. fyrir hverja örk. Loksins er það sjálfsagt skilyrði fyrir styrknum, að lokið verði við prentun bókarinnar svo snemma að styrknum geti orðið ávísad hjeðan fyrir lok áðurnefnds fjárhagstímabils.

— *Bræf landshöfðingja til amtmannsins yfir norður- og austurumdæminu um að 163*
yfirheyra skipbrotsmenn. — Af ýmsum skipbrotsmálum, er jeg meðtók frá 14. okt.
yður, herra amtmaður, með þessum pósti sjezt, að viðkomandi sýslumenn hafa álitnið svör þau við hinar prentuðu spurningar, er lagðar eru fyrir skipbrotsmenn og innihalda skýrslur